



**ҚАЗАҚСТАН ҰЛТТЫҚ БАНКІ**

## **АҚПАРАТТЫҚ ХАБАР**

*2017 жылғы 13 шілде*

### **ЕАЭО ұлттық (орталық) банктерінің валюталық саясат жөніндегі консультативтік кеңесінің отырысы туралы**

2017 жылғы 12 шілдеде ҚРҰБ Төрағасы Д. Ақышев бастаған ҚР Ұлттық Банкінің делегациясы Еуразиялық экономикалық одақ ұлттық (орталық) банктерінің валюталық саясат жөніндегі консультативтік кеңесінің Санкт-Петербург қаласында өткен 14-ші отырысына қатысты.

Отырыс барысында Армения Республикасы, Беларусь Республикасы, Қазақстан Республикасы, Қырғыз Республикасы және Ресей Федерациясы орталық (ұлттық) банктерінің төрағалары ағымдағы экономикалық ахуал, валюталық бағам саясатын қоса алғанда, ақша-кредит саясатын іске асыру туралы ақпарат алмасты.

Тараптар ортақ қаржы нарығын құру шеңберінде Еуразиялық экономикалық одаққа қатысушы мемлекеттердің ұлттық заңнамаларын үйлестірумен, сондай-ақ тұтынушылардың, бизнес-құрылымдардың және қаржы институттарының мүддесін ескере отырып қаржы нарықтарын ықпалдастырудың тәсілдерін әзірлеумен байланысты мәселелерді талқылады.

Валюталық саясат жөніндегі консультативтік кеңес Еуразиялық экономикалық одаққа мүше мемлекеттердің орталық (ұлттық) банктерінің консультативтік-кеңесші органы болып табылады, оның негізгі мақсаты валюталық саясатты үйлестіру, оның ішінде өзара есеп айырысу кезінде ұлттық валюталарды кеңінен пайдалануды қамтамасыз етудің бірыңғай тәсілдері мен бағыттарын әзірлеу болып табылады.

Толығырақ ақпаратты мына телефон бойынша алуға болады:

+7 (727) 270 45 85

e-mail: [press@nationalbank.kz](mailto:press@nationalbank.kz)

[www.nationalbank.kz](http://www.nationalbank.kz)